

AKASHVANI AIZAWL

REGIONAL NEWS UNIT

LUNGPHUN ROPUI

Sorkar laipui Ministry of Culture (Archaeological Survey of India) chuan thuchhuah siamin Lianpui khua, Champhai district-a Lungphun ropui chu hmun pawimawh bik National Importance atan a puang.

Thuchhuah hi kumin July 14 khan tihchhuah a ni a. Lungphun ropui hi Archaeological Survey of India te chuan a hmunah lo kalchilh tawhin he hmun humhalh tur huam chhung danin a phut anga tih fel a ni tawh a ni.

Sorkar laipui chuan a hmun hma atanga ruahmanna siamah hian dodalna engmah a hmuh loh avangin danin thuneihna a pek angin heng Lungphun ropui leh a chhehvel te chu national importance-ah a puang ta a ni.

<><><>

CHURACHANDPUR RICE SUPPLY VIA MIZORAM ENDED

Manipur tualchhung buaina avanga Churachandpur leh a chhehvel mamawh Food Corporation of India (FCI) Aizawl Divisional Office in buhfai a thawn thin chu kumin April thla khan tihtawp a ni.

Vawiina Akashvani Aizawlin FCI hotute a kawmnaah he thu hi an sawi a. FCI hotute chuan Manipur buai avanga buhfai thawn thin chu kumin April thla thleng khan kalpui a nih thu leh May thla atanga pek chhoh tawh loh thu an sawi a. Churachandpur leh a chhehvel te hman tur Mizoram kaltlanga buhfai pek chu kum 2023 June thla atang khan kalpui niin an kalpui tawp hun, kumin April thla thleng khan quintal nuai 3 sing 2 sang 2 chuang hret an thawn hman a. Tunah chuan a kawng ngai, a hmaa an kalpuina kawng, Jiribam, Assam atangin Imphal kaltlangin phurh a ni leh tawh a ni.

FCI hotute chuan Kawnpui leh Sairang inkar kawng chhia avangin khaihlak tlem azawng chu awm mahse an kudama buhfai phurh kawngah harsatna liantham an tawh rih loh thu an sawi a. Engpawh thleng se an kalphungah thla 3 daih buhfai an kudama dah reng chu an kalpui mek thu an sawi a. Tun dinhmunah pheih chuan thla 4 emaw thla 5 daih buhfai a awm rih thu an sawi a ni.

Voicecast

*Manipur tualchhung buai hnua tanpuina tur buhfai kum 2023 June thla atanga thawn thin chu kumin April thla khan tih tawp a ni a, thuneitute chuan Mizoram kaltlanga buhfai an thawn tak loh chhan chu Manipur-a President's Rule kalpui avanga boruak a ziaawm chhoh vanga nia an hriat thu an sawi a. Hetihruah hian engpawh thleng thei a nih avangin Mizoram kaltlanga pek pawh eng chen nge a tawp dawn tih an hriat loh thu an sawi a ni.*

<><><>

CONGRESS PRESS CONFERENCE

Mizoram Pradesh Congress Committee Spokesperson Dr Lallianchhunga’n ZPM in restricted tender an duh loh zia sawi thin mahse a aia uar zawkin an kalpui mek tih a sawi.

Vawiina MPCC Media department ten a hoa Aizawl Press Club-a chanchinbumite a kawmnaah Dr Lallianchhunga chuan he thu hi sawiin ZPM Leader Pu Lalduhoma chuan MNF sorkar laia restricted tender inpek dan a sawisel thu leh MNF sorkar hnuaia sum leh pai harsatna nen a sawi zawm thu sawiin Restricted Tender ringawt pawh an tih ve loh chuan Mizoram sum dinhmun nasa takin a siam tha nghal ringawt dawn tia a sawi thu a sawi a. Hetiang khawpa an sawisel hi tuna an sorkar hnua uar leh nasa zawka an kalpui thu a sawi.

Dr. Lallianchhunga chuan Sorkar document an hmuh theih aṅanga a lan danin April 17, 2025 khan SASCI 2024-25 hnuaia hna cheng vbch 629 leh nuai 17 man chu Restricted Tender hmanga an duhsak zawng te an thawh tir theihna turin Department te chu blanket approval a pe tih a sawi a. Hei hi Eptu party an nih laia an thusawi nen a inkalh chiang hle tih sawiin RTI chhanna aṅanga a lan danin ZPM sorkar pian aṅanga kumin April Ni 29 thleng khan Restricted Tender hmangin hna lian tak tak 47, cheng vbch 316 leh nuai 38 chuang man a pe chhuak tawh tih a sawi.

Kum 2023 MLA Inthlanpuia ZPM Manifesto ah "Contract hnate a tam thei ang ber Open Tender-a koh thin a ni ang" tih a awm thu sawiin Dr Lallianchhunga chuan an Party Manifesto ngei pawh palzuta sorkarin Restricted Tender a kalpui dan chuan sorkar belhchiandawl leh rintlak tak a nṛh loh zia a tilang chiang hle a ni a ti bawk.

<><><>

PRESIDENT

President Droupadmi Murmu chuan vawiin hian New Delhi-a Vigyan Bharat ah Swachh Survekshan 2024-25 Award a hlan dawn.

Ministry of Housing and Urban Affairs (MoHUA) buatsaih Swachh Survekshan Award semna hunah hian ram chhunga khawpui fai thlanchhuahte hnenah chawimawina hi hlan a ni dawna. Kumin hian Urban Affairs Ministry tarlan danin, chawimawina hi category li ah then niin khawpui fai tehna hrang hrang award 78 hlan a ni dawn a ni.

<><><>